

Proba de Avaliación do Bacharelato para o Acceso á Universidade 2021

Código: 24

QUÍMICA

O exame consta de 8 preguntas de 2 puntos, das que poderá responder un <u>MÁXIMO DE 5</u>, combinadas como queira. Cada pregunta **vale 2 puntos (1 punto por apartado)**. Se responde máis preguntas das permitidas, <u>só se corrixirán as 5 primeiras respondidas.</u>

PREGUNTA 1.

- <u>1.1.</u> **Xustifique** se é verdadeira ou falsa a seguinte afirmación: as combinacións de números cuánticos (2, 1, 0, -1) e (3, 0, 1, 1/2) son posibles para un electrón nun átomo.
- 1.2. Razoe que xeometría presenta a molécula de diclorometano (CH₂Cl₂) aplicando a teoría de repulsión dos pares de electróns da capa de valencia (TRPECV) e discuta a polaridade da molécula.

PREGUNTA 2.

Explique razoadamente os seguintes feitos:

- 2.1. O sal común (NaCl) funde a 801 °C mentres que o cloro é un gas a 25 °C.
- 2.2. O cloruro de sodio sólido non conduce a electricidade e o ferro si.

PREGUNTA 3.

- <u>3.1.</u> Das seguintes substancias: PO_4^{3-} , HNO_2 e HCO_3^{-} , unha é ácida, outra básica e outra anfótera segundo a teoría de Brönsted-Lowry. **Razoe** cal é cada unha escribindo os equilibrios que así o demostren.
- 3.2. Complete as seguintes reaccións indicando o tipo de reacción e nomeando os produtos que se forman:

Propan-2-ol — KMnO4, H+	··	CH_3 - CH = CH_2 + Br_2 \rightarrow

PREGUNTA 4.

Considere o seguinte equilibrio que ten lugar a 150 °C: $I_2(g) + Br_2(g) \rightleftharpoons 2 IBr(g)$ cunha $K_c = 120$. Nun recipiente de 5,0 L de capacidade introdúcense 0,0015 moles de iodo e 0,0015 moles de bromo, calcule:

- 4.1. A concentración de cada especie cando se alcanza o equilibrio.
- 4.2. As presións parciais e a constante K_p .

PREGUNTA 5.

Dada a seguinte reacción: $H_2S + NaMnO_4 + HBr \rightarrow S + NaBr + MnBr_3 + H_2O$

- 5.1. Axuste a ecuación iónica polo método ión-electrón e escriba a ecuación molecular completa.
- 5.2. Calcule os gramos de NaMnO₄ que reaccionarán con 32 g de H₂S. Se se obtiveron 61,5 g de MnBr₃ calcule o rendemento da reacción.

PREGUNTA 6.

O produto de solubilidade, a 20 °C, do sulfato de bario é 8,7·10⁻¹¹. Calcule:

- 6.1. Os gramos de sulfato de bario que se poden disolver en 0,25 L de auga.
- 6.2. Os gramos de sulfato de bario que se poden disolver en 0,25 L dunha disolución 1 M de sulfato de sodio, considerando que este sal está totalmente disociado.

PREGUNTA 7.

Prepáranse 100 mL dunha disolución de HCl disolvendo, en auga, 10 mL dun HCl comercial de densidade $1,19~\rm g\cdot mL^{-1}$ e riqueza 36 % en peso. 20 mL da disolución de ácido preparada valóranse cunha disolución de NaOH $0.8~\rm M$.

- 7.1. Calcule a concentración molar da disolución de ácido valorada, escriba a reacción que ten lugar na valoración e calcule o volume gastado da disolución de NaOH.
- 7.2. Indique o procedemento a seguir no laboratorio para a valoración do ácido indicando o material e reactivos.

PREGUNTA 8.

- 8.1. Explique como construiría no laboratorio unha pila galvánica empregando un eléctrodo de aluminio e outro de cobre, indicando o material e os reactivos necesarios.
- 8.2. Indique as semirreaccións que teñen lugar en cada eléctrodo, a ecuación iónica global e calcule a forza electromotriz da pila.

Datos: R = 8,31 J/(K·mol) = 0,082 atm·L/(K·mol); 1 atm = 101,3 kPa; $E^{\circ}(Cu^{2+}/Cu) = +0,34 \text{ V}$; $E^{\circ}(Al^{3+}/Al) = -1,67 \text{ V}$

Solucións

- 1.1. Xustifica se é verdadeira ou falsa a seguinte afirmación: As combinacións de números cuánticos (2, 1, 0, -1) e (3, 0, 1, ½) son posibles para un electrón nun átomo. (A.B.A.U. ord. 21)

Solución:

Os tres primeiros números cuánticos definen as propiedades do orbital atómico:

n: principal, indica o nivel de enerxía. Os valores posibles son números enteiros: n = 1, 2, 3...

l: secundario, indica a forma do orbital. Os valores posibles son: l = 0, 1, 2..., n - 1.

m: magnético, indica a orientación do orbital. Os valores posibles son: m = -l, -l + 1..., -1, 0, 1..., l - 1, l. O último número cuántico:

s: spin, indica o sentido de xiro do electrón. Os valores posibles son: $s = +\frac{1}{2} e^{-\frac{1}{2}}$.

a) (2, 1, 0, -1): Non é posible.

Para n = 2, os valores posibles de l son l = 0, que corresponde ao orbital 2s, e l = 1, que corresponde ao orbital 2p.

Para l = 1, os valores posibles de m son m = -1, 0, 1.

Pero o último número cuántico non pode ser s = -1. Só pode valer $s = +\frac{1}{2}$ ou $s = -\frac{1}{2}$.

b) $(3, 0, 1, \frac{1}{2})$: Non é posible.

Para n = 3, os valores posibles de l son l = 0, que corresponde ao orbital 2s, l = 1, que corresponde ao orbital 2p, e l = 2, que corresponde ao orbital 2d.

Para l = 0, o único valor posible de m é m = 0. Non é posible m = 1.

1.2. Razoa que xeometría presenta a molécula de diclorometano (CH₂Cl₂) aplicando a teoría de repulsión dos pares de electróns da capa de valencia (TRPECV) e discute a polaridade da molécula.

(A.B.A.U. ord. 21)

Solución:

A teoría de repulsión de pares de electróns da capa de valencia (TRPECV) supón que os electróns de valencia, xunto cos dos átomos que forman enlace con el, rodean a un átomo formando parellas, nas que a repulsión entre os electróns de cada parella é pequena, debido a que teñen spin contrario, e só hai que ter en conta a repulsión electrostática clásica entre os pares enlazantes (excepto os π) e entre os pares enlazantes e os pares non enlazantes, de forma que se dispoñan o máis afastados posible.

Esta teoría é a que dá unha xustificación máis sinxela dos ángulos de enlace. A repulsión de dous pares dá unha disposición lineal con ángulos de 180°, tres pares dan unha distribución triangular con ángulos de 120° e catro pares diríxense cara aos vértices dun tetraedro con ángulos de 109,5°.

O átomo central é o carbono, que ten 4 electróns na súa capa de valencia.

A configuración electrónica do átomo de carbono (Z = 6) no estado fundamental é $1s^2 2s^2 2p_x^1 2p_y^1$, que só ten dous electróns desapareados e só podería formar dous enlaces. Para poder formar catro enlaces, ten que separar («desaparear») os dous electróns 2s², elevando un deles ao orbital 2p baleiro. A configuración electrónica do átomo de carbono excitado é 1s² 2s¹ 2p_x 2p_y 2p_z.

O custo de enerxía de excitación compénsase coa enerxía de os enlaces que se van a formar.

Os catro electróns forman enlaces covalentes, dous cos dous átomos de cloro e os outros dous cos dous áto-

mos de hidróxeno, como se ve no diagrama electrón-punto de Lewis: ¡Çiːčː+H

Segundo a TRPECV, a xeometría electrónica de 4 pares de electróns é tetraédrica. O átomo de carbono está no centro do tetraedro e dous átomos de cloro están en dous vértices e os dous áto-H mos de hidróxeno están nos outros dous vértices.


Debido á repulsión entre os pares non enlazantes dos átomos de cloro veciños, o ángulo entre os enlaces Cl-C-Cl é maior que 109,5°, e a forma da molécula é piramidal.

A electronegatividade mide a tendencia que ten un átomo a atraer cara á si o par de electróns do enlace e a resistencia a deixalos marchar.

Como o cloro é máis electronegativo que o carbono, existe un momento dipolar de enlace $C^{\delta_+} \to Cl^{\delta_-}$, que se representa por un vector. O carbono é máis electronegativo que o hidróxeno, polo que tamén existe un momento dipolar de enlace $H^{\delta_+} \to C^{\delta_-}$.

A resultante dos vectores momento dipolar dos enlaces non se anula e a molécula é polar.

- 2. Explica razoadamente os seguintes feitos:
 - a) O sal común (NaCl) funde a 801 °C mentres que o cloro é un gas a 25 °C.
 - b) O cloruro de sodio sólido non conduce a electricidade e o ferro si.



Solución:

a) O sal común é un composto iónico, e o seu punto de fusión depende directamente da forza do enlace iónico, que á súa vez depende da enerxía reticular do enlace.

O cloro é un composto covalente. As responsables do estado gasoso do cloro son as forzas intermoleculares que son moito mais débiles. As moléculas de cloro son apolares e entre elas só actúan forzas de dispersión (Van der Waals).

b) O cloruro de sodio non conduce a electricidade en estado sólido, pero si o fai cando está en estado líquido ou disolto en auga. En estado sólido os ións non poden desprazarse ao ocupar posicións fixas na rede iónica.

No ferro, os electróns ocupan a banda de condución ou, se ocupan a banda de valencia, a diferenza de enerxía entre ela e a banda de condución é moi pequena, polo que ao aplicar un campo eléctrico pasan á banda de condución e poden moverse facilmente.

3.1. Das seguintes substancias: PO¾-, HNO₂ e HCO₃, unha é ácida, outra básica e outra anfótera segundo a teoría de Brönsted-Lowry. Razoa cal é cada unha, escribindo os equilibrios que así o demostren.

(A.B.A.U. ord. 21)

Solución:

Na definición ácido-base de Brönsted-Lowry, un ácido é a substancia que cede un ión hidróxeno a unha base sendo os produtos da reacción as súas especies conxugadas. Un proceso ácido-base é só un intercambio de ións hidróxeno.

A súa reacción cunha substancia anfótera como a auga sería:

PO₄³-: básica. Acepta ións hidróxeno.

HNO₂: ácido. Cede ións hidróxeno.

 $HNO_2(aq) + H_2O(l) \rightarrow NO_2^-(aq) + H_3O^+(aq)$ ácido base base conxugada do HNO_2 ácido conxugado da H_2O

HCO₃: anfótera. Pode actuar como ácido ou como base.

HCO₃(aq) $H_2O(1)$ $CO_3^{2-}(aq)$ H₃O⁺(aq) base conxugada do HCO₃ ácido conxugado da H₂O ácido base H₂CO₃(aq) OH-(aq) HCO₃(aq) $H_2O(1)$ ácido conxugado do HCO3 ácido base conxugada da H₂O base

3.2. Completa as seguintes reaccións indicando o tipo de reacción e nomeando os produtos que se forman:

(A.B.A.U. ord. 21)

Solución:

a) CH_3 -CHOH- $CH_3 \xrightarrow{KMnO_4, H^+} CH_3$ -CO- CH_3

É unha reacción de oxidación. Os alcohois secundarios oxídanse a cetonas. Prodúcese propanona.

b) CH_3 -CH= CH_2 + Br_2 \rightarrow CH_3 -CHBr- CH_2Br

É unha reacción de adición. O produto é o 1,2-dibromopropano.

4. Considera o seguinte equilibrio que ten lugar a 150 °C: I_2 (g) + Br_2 (g) \rightleftharpoons 2 lBr (g) cunha K_c = 120. Nun recipiente de 5,0 dm³ de capacidade introdúcense 0,0015 moles de iodo e 0,0015 moles de bromo. Calcula:



- a) A concentración de cada especie cando se alcanza o equilibrio.
- b) As presións parciais e a constante K_p .

Datos: $R = 8,31 \text{ J} \cdot \text{K}^{-1} \cdot \text{mol}^{-1} = 0,082 \text{ atm} \cdot \text{L} \cdot \text{K}^{-1} \cdot \text{mol}^{-1}$; 1 atm = 101,3 kPa.

(A.B.A.U. ord. 21)

Rta.: a) $[I_2] = [Br_2] = 4,63 \cdot 10^{-5} \text{ mol/dm}^3$; $[IBr] = 5,07 \cdot 10^{-4} \text{ mol/dm}^3$;

b) $p(I_2) = p(Br_2) = 163 \text{ Pa} = 0.00161 \text{ atm}$; $p(IBr) = 1.79 \cdot 10^3 \text{ Pa} = 0.0176 \text{ atm}$; $K_p = 120$.

Datos Cifras significativas: 3

Gas: volume $V = 5,00 \text{ dm}^3$

temperatura T = 150 °C = 423 K

Cantidade inicial de iodo $n_0(I_2) = 0,00150 \text{ mol } I_2$

Cantidade inicial de bromo $n_0(Br_2) = 0,00150 \text{ mol } Br_2$

Constante de equilibrio (en función das concentracións) $K_c = 120$

Constante dos gases ideais $R = 0.082 \text{ atm} \cdot \text{dm}^3 \cdot \text{K}^{-1} \cdot \text{mol}^{-1} = 8.31 \text{ J} \cdot \text{K}^{-1} \cdot \text{mol}^{-1}$

Incógnitas

Concentración de cada especie no equilibrio $[I_2]_e$, $[Br_2]_e$, $[Br_2]_e$, $[Br_2]_e$ Presión parcial de cada gas no equilibrio $p(I_2)$, $p(Br_2)$, $p(Br_2)$

Constante de equilibrio en función das presións K_p

Ecuacións

Lei de Dalton das presións parciais $p_t = \sum p_i$

Concentración da substancia X [X] = n(X) / V

Ecuación de estado dos gases ideais $p \cdot V = n \cdot R \cdot T$

Constantes do equilibrio: $a A + b B \rightleftharpoons c C + d D$ $K_{c} = \frac{[C]_{e}^{c} \cdot [D]_{e}^{d}}{[A]_{e}^{a} \cdot [B]_{e}^{b}} \quad K_{p} = \frac{p_{e}^{c}(C) \cdot p_{e}^{d}(D)}{p_{e}^{a}(A) \cdot p_{e}^{b}(B)}$

Solución:

a) A ecuación química é:

$$I_2(g) + Br_2(g) \rightleftharpoons 2 IBr(g)$$

Chámase x á cantidade de iodo que se transforma en bromuro de iodo. Pola estequiometría da reacción,

		I_2	Br_2	\rightleftharpoons	2 IBr	
Cantidade inicial	n_0	0,00150	0,00150		0	mol
Cantidade que reacciona ou se forma	n_{r}	х	х		2 x	mol
Cantidade no equilibrio	$n_{\rm e}$	0,00150 - x	0,00150-x		2 x	mol

A ecuación da constante de equilibrio é:

$$K_c = \frac{\left[\text{IBr} \right]_e^2}{\left[I_2 \right]_e \cdot \left[\text{Br}_2 \right]_e}$$

A concentración en mol·dm⁻³ obtense dividindo a cantidade entre o volume (en dm³):

$$K_{c}=120 = \frac{\left(\frac{n_{e}(\text{IBr})}{V}\right)^{2}}{\left(\frac{n_{e}(\text{I}_{2})}{V}\right) \cdot \left(\frac{n_{e}(\text{Br}_{2})}{V}\right)} = \frac{\left(\frac{2x}{5,00}\right)^{2}}{\left(\frac{0,00150 - x}{5,00}\right) \left(\frac{0,00150 - x}{5,00}\right)} = \frac{(2x)^{2}}{(0,00150 - x)^{2}}$$

$$\pm \sqrt{120} = \frac{2x}{0,00150 - x} = \pm 11,0$$

$$x = 0,00127 \text{ mol}$$

As cantidades no equilibrio serán:

$$n_{\rm e}({\rm IBr}) = 2~x = 0,00254~{\rm mol~IBr}$$

$$n_{\rm e}({\rm Br_2}) = n_{\rm e}({\rm I_2}) = 0,00150 - x = 2,3\cdot 10^{-4}~{\rm mol}$$

As concentracións serían:

$$[Br]_{e} = \frac{0,00254 \text{ mol } IBr}{5,00 \text{ dm}^{3}} = 5,07 \cdot 10^{-4} \text{ mol/dm}^{3}$$
$$[Br_{2}]_{e} = [I_{2}]_{e} = \frac{2,3 \cdot 10^{-4} \text{ mol}}{5,00 \text{ dm}^{3}} = 4,6 \cdot 10^{-4} \text{ mol/dm}^{3}$$

b) Supoñendo comportamento ideal para os gases, a presión parcial de cada un deles vén dada por:

$$p_{i} = \frac{n_{i} \cdot R \cdot T}{V}$$

$$p(\text{IBr}) = \frac{0,00254 \text{ mol HI} \cdot 8,31 \text{ J} \cdot \text{mol}^{-1} \cdot \text{K}^{-1} \cdot 423 \text{ K}}{5,00 \cdot 10^{-3} \text{ m}^{3}} = 1,79 \cdot 10^{3} \text{ Pa}$$

$$p(\text{IBr}) = 1,79 \cdot 10^{3} \text{ Pa} = 1,79 \text{ kPa} \cdot \frac{1 \text{ atm}}{101,3 \text{ kPa}} = 0,0176 \text{ atm}$$

$$p(\text{Br}_{2}) = p(\text{I}_{2}) = \frac{2,3 \cdot 10^{-4} \text{ mol} \cdot 8,31 \text{ J} \cdot \text{mol}^{-1} \cdot \text{K}^{-1} \cdot 423 \text{ K}}{5,00 \cdot 10^{-3} \text{ m}^{3}} = 160 \text{ Pa}$$

$$p(\text{Br}_{2}) = p(\text{I}_{2}) = 160 \text{ Pa} = 0,160 \text{ kPa} \cdot \frac{1 \text{ atm}}{101.3 \text{ kPa}} = 0,0016 \text{ atm}$$

A constante de equilibrio en función das presións será:

$$K_{p} = \frac{p_{e}^{2}(\operatorname{IBr})}{p_{e}(\operatorname{Br}_{2}) \cdot p_{e}(\operatorname{I}_{2})} = \frac{\left(\frac{n_{e}(\operatorname{IBr}) \cdot R \cdot T}{V}\right)^{2}}{\left(\frac{n_{e}(\operatorname{Br}_{2}) \cdot R \cdot T}{V}\right) \cdot \left(\frac{n_{e}(\operatorname{I}_{2}) \cdot R \cdot T}{V}\right)} = \frac{\left[\operatorname{IBr}\right]_{e}^{2}}{\left[\operatorname{Br}_{2}\right]_{e} \cdot \left[\operatorname{I}_{2}\right]_{e}} \cdot \frac{\left(R \cdot T\right)^{2}}{R \cdot T \cdot R \cdot T} = K_{c} = 120$$

- 5. Dada a seguinte reacción: $H_2S + NaMnO_4 + HBr \rightarrow S + NaBr + MnBr_3 + H_2O$
 - a) Axusta a ecuación iónica polo método ión-electrón e escriba a ecuación molecular completa.
 - b) Calcula os gramos de NaMnO₄ que reaccionarán con 32 g de H₂S. Se se obtiveron 61,5 g de MnBr₃ calcule o rendemento da reacción.

(A B A II ord 21)

Rta.: a) $2 S^{2-} + (MnO_4)^- + 8 H^+ \rightarrow 2 S + Mn^{3+} + 4 H_2O$; $2 H_2S + NaMnO_4 + 4 HBr \rightarrow 2 S + MnBr_3 + Na-Br + 4 H_2O$; b) $m(NaMnO_4) = 66,6$ g. Rto. = 44,5 %.

Datos

Cifras significativas: 3

Masa de sulfuro de hidróxeno

 $m[H_2S] = 32.0 g$

Masa de bromuro de manganeso(III)

 $m[MnBr_3] = 61.5 g$

Masa molar do sulfuro de hidróxeno

 $M(H_2S) = 34.1 \text{ g/mol}$

Masa molar do permanganato de sodio

 $M(NaMnO_4) = 142 \text{ g/mol}$

Masa molar do bromuro de manganeso(III)

 $M(MnBr_3) = 295 \text{ g/mol}$

Incógnitas

Masa de NaMnO₄ que vai reaccionar

m(NaMnO₄)

Rendemento da reacción

Solución:

a) Escríbense as semirreaccións iónicas:

Oxidación:

$$S^{2-}$$

$$-2 e^{-} \longrightarrow S$$

Redución:

Obtense a ecuación iónica axustada multiplicando a primeira semirreacción por 2 e sumando:

$$2 S^{2-} + (MnO_4)^- + 8 H^+ \rightarrow 2 S + Mn^{3+} + 4 H_2O$$

Para obter a ecuación global, súmase a cada lado Na⁺ e 4 Br⁻ e combínanse os ións para formar os compostos:

$$2 H_2S + NaMnO_4 + 4 HBr \rightarrow 2 S + MnBr_3 + NaBr + 4 H_2O$$

b) Calcúlase a masa de NaMnO₄ que reaccionarán con 32 g de H₂S, mirando a ecuación axustada da reacción:

$$m = 32,0 \text{ gH}_2\text{S} \frac{1 \text{ mol H}_2\text{S}}{34,1 \text{ gH}_2\text{S}} \frac{1 \text{ mol NaMnO}_4}{2 \text{ mol H}_2\text{S}} \frac{142 \text{ g NaMnO}_4}{1 \text{ mol NaMnO}_4} = 66,6 \text{ g NaMnO}_4$$

Calcúlase a masa de MnBr₃ que se podería obter:

$$m=32.0 \text{ gH}_2\text{S} \frac{1 \text{ mol H}_2\text{S}}{34.1 \text{ gH}_2\text{S}} \frac{1 \text{ mol MnBr}_3}{2 \text{ mol H}_2\text{S}} \frac{295 \text{ g MnBr}_3}{1 \text{ mol MnBr}_3} = 138 \text{ g MnBr}_3$$

Calcúlase o rendemento:

$$r = \frac{61,5 \text{ g MnBr}_3 \text{ obtidos}}{138 \text{ g MnBr}_3 \text{ teóricos}} = 0,445 = 44,5 \%$$

- O produto de solubilidade, a 20 °C, do sulfato de bario é 8.7·10⁻¹¹. Calcula:
 - a) Os gramos de sulfato de bario que se poden disolver en 0,25 dm³ de auga.
 - b) Os gramos de sulfato de bario que se poden disolver en 0,25 dm³ dunha disolución de sulfato de sodio de concentración 1 mol/dm³, considerando que este sal está totalmente disociado.

Rta.: a) $m(BaSO_4) = 5.4 \cdot 10^{-4} \text{ g en } 0.25 \text{ dm}^3 \text{ H}_2\text{O}; \text{ b}) m'(BaSO_4) = 5.1 \cdot 10^{-9} \text{ g en } 0.25 \text{ dm}^3 \text{ D Na}_2\text{SO}_4.$

Datos Cifras significativas: 2

Produto de solubilidade do BaSO₄

 $K_s = 8.7 \cdot 10^{-11}$

Temperatura

 $T = 20 \, ^{\circ}\text{C} = 293 \, \text{K}$

Concentración da disolución do Na₂SO₄

 $[Na_2SO_4] = 1,0 \text{ mol/dm}^3$

Volume de auga

 $V = 0.25 \text{ dm}^3$

Volume de disolución de sulfato de sodio

 $V = 0.25 \text{ dm}^3$

Masa molar do sulfato de bario

 $M(BaSO_4) = 233 \text{ g/mol}$

Incógnitas

Masa (g) do BaSO₄ que se disolve en 0,25 dm³ de auga

m

 m_2

Masa (g) do BaSO₄ que se disolve en 0,25 dm³ de D [Na₂SO₄] = 1 mol/dm³

Outros símbolos

Concentración (mol/dm³) en de BaSO₄ en auga

S

Concentración (g/dm³) en de BaSO₄ en auga

s'

Concentración (g/um) en de baso4 en auga

3

Concentración (mol/dm³) en de BaSO₄ en D [Na₂SO₄] = 1 mol/dm³

 S_2

Concentración (g/dm³) en de $BaSO_4$ en $D[Na_2SO_4] = 1 mol/dm³$

 s_2

Ecuacións

Cantidade (número de moles)

n = m / M

Concentración molar (mol/dm³)

s = n / V = s' / M

Produto de solubilidade do equilibrio: $B_bA_a(s) \rightleftharpoons b B^{\beta+}(aq) + a A^{\alpha-}(aq)$

 $K_s = [\mathbf{A}^{\alpha-}]^{\mathbf{a}} \cdot [\mathbf{B}^{\beta+}]^{\mathbf{b}}$

Solución:

a) O equilibrio de solubilidade é:

$$BaSO_4(s) \rightleftharpoons Ba^{2+}(aq) + SO_4^{2-}(aq)$$

Chámase s á solubilidade, que é a concentración de sólido que se disolve, e dedúcese a concentración dos ións formados, de acordo coa estequiometría da reacción.

		BaSO ₄	\rightleftharpoons	Ba ²⁺	SO ₄ ²⁻	
Concentración no equilibrio	[X] _e			s	s	mol/dm³

A constante de equilibrio K_s é:

$$K_s = [Ba^{2+}]_e \cdot [SO_4^{2-}]_e = s \cdot s = s^2 = 8.7 \cdot 10^{-11}$$

Calcúlase a solubilidade:

$$s = \sqrt{K_s} = \sqrt{8.7 \cdot 10^{-11}} = 9.3 \cdot 10^{-6} \text{ mol BaSO}_4/\text{dm}^3 \text{ D}$$

$$s' = 9.3 \cdot 10^{-6} \text{ mol/dm}^3 \cdot 233 \text{ g/mol} = 0.0022 \text{ g BaSO}_4 / \text{ dm}^3 \text{ D}$$

En 0,25 dm³ de auga disólvense:

$$m = 0.0022 \text{ g BaSO}_4 / \text{ dm}^3 \text{ D} \cdot 0.25 \text{ dm}^3 = 5.4 \cdot 10^{-4} \text{ g} = 0.54 \text{ mg BaSO}_4$$

b) O sulfato de sodio está totalmente disociado.

$$Na_2SO_4(s) \rightarrow 2 Na^+(aq) + SO_4^{2-}(aq)$$

A concentración de ión sulfato é:

$$[SO_4^{2-}] = [Na_2SO_4] = 1,0 \text{ mol } SO_4^{2-}/dm^3 D$$

Chámase s_2 á solubilidade, que é a concentración de sólido que se disolve, e dedúcese a concentración dos ións formados, de acordo coa estequiometría da reacción.

		BaSO ₄	\rightleftharpoons	Ba ²⁺	SO ₄ ²⁻	
Concentración inicial	[X] ₀			0	1,0	mol/dm³
Concentración que reacciona ou se forma	[X] _r	S_2	\rightarrow	S_2	S_2	mol/dm³
Concentración no equilibrio				S ₂	$1,0 + s_2$	mol/dm³

A constante de equilibrio K_s é:

$$K_s = [Ba^{2+}]_e \cdot [SO_4^{2-}]_e = s_2 \cdot (1.0 + s_2) = 8.7 \cdot 10^{-11}$$

En primeira aproximación, pódese considerar s_2 desprezable s fronte a 1,0, ($s_2 \ll 1$,0). Entón:

$$s_2 \approx 8.7 \cdot 10^{-11} \text{ mol/dm}^3$$

É desprezable fronte a 1,0.

Análise: A solubilidade do sulfato de bario na disolución de sulfato de sodio é menor que a solubilidade en auga, debido ao efecto do ión común sulfato.

Calcúlase a solubilidade en gramos por decímetro cúbico.

$$s_2' = 8.7 \cdot 10^{-11} \text{ mol/dm}^3 \cdot 233 \text{ g/mol} = 2.0 \cdot 10^{-8} \text{ g BaSO}_4 / \text{dm}^3 \text{ D}$$

En 0,25 dm³ de auga disólvense:

$$m_2 = 2.0 \cdot 10^{-8} \text{ g BaSO}_4 / \text{ dm}^3 \text{ D} \cdot 0.25 \text{ dm}^3 = 5.1 \cdot 10^{-9} \text{ g} = 5.1 \text{ ng BaSO}_4$$

- 7. Prepáranse 100 mL dunha disolución de HCl disolvendo, en auga, 10 cm³ dun HCl comercial de densidade 1,19 g·cm⁻³ e riqueza 36 % en peso. 20 cm³ da disolución de ácido preparada valóranse cunha disolución de NaOH de concentración 0,8 mol/dm³.
 - a) Calcula a concentración molar da disolución de ácido valorada, escribe a reacción que ten lugar na valoración e calcula o volume gastado da disolución de NaOH.
 - b) Indica o procedemento a seguir no laboratorio para a valoración do ácido indicando o material e reactivos.

(A.B.A.U. ord. 21)

Rta.: a) [HCl] = 1.2 mol/dm^3 ; $V = 29 \text{ cm}^3 \text{ D NaOH}$.

Solución:

Cálculo de dilución:

En 10 cm³ de disolución comercial de HCl de densidade 1,19 g⋅cm⁻³ e riqueza 36 % en masa hai:

$$n(HCl) = 10 \text{ cm}^3 \text{ D} \cdot 1,19 \text{ g/cm}^3 \frac{36 \text{ g HCl}}{100 \text{ g D}} \frac{1 \text{ mol HCl}}{36,5 \text{ g HCl}} = 0,12 \text{ mol HCl}$$

Ao disolverse en auga ata 100 cm³ (=0,100 dm³) a concentración da disolución obtida será:

$$[HCl] = 0.12 \text{ mol } HCl / 0.100 \text{ dm}^3 = 1.2 \text{ mol/dm}^3$$

Cálculo da valoración:

A ecuación da reacción de valoración é:

$$HCl(aq) + NaOH(aq) \rightarrow NaCl(aq) + H_2O(l)$$

Para neutralizar 20 cm³ de HCl de concentración 1,2 mol/dm³ con NaOH de concentración 0,8 mol/dm³ necesitaranse:

$$V = 20,0 \text{ cm}^3 \text{ D HCl} \quad \frac{1,2 \text{ mol HCl}}{1000 \text{ cm}^3 \text{ D HCl}} \quad \frac{1 \text{ mol NaOH}}{1 \text{ mol HCl}} \quad \frac{1000 \text{ cm}^3 \text{ D NaOH}}{0,8 \text{ mol NaOH}} = 29 \text{ cm}^3 \text{ D NaOH}$$

Procedemento de valoración: Cunha pipeta mídense 20 cm³ de disolución de HCl e vértense nun matraz erlenmeyer de 100 cm³. Engádense dúas pingas de fenolftaleína e a disolución permanecerá incolora. Énchese unha bureta de 25 cm³ con disolución de NaOH de concentración 0,8 mol/dm³ por encima do cero. Ábrese a chave ata que o pico da bureta estea cheo e o nivel en cero. Déixanse caer 2 cm³ sobre o erlenmeyer e axítase. Ábrese a chave da bureta para deixar caer a disolución de NaOH en pequenos chorros mentres se imprime un movemento circular ao erlenmeyer ata que o contido do erlenmeyer adquira unha cor rosada. Anótase o volume de NaOH gastado (p. ex. 3,2 cm³) e tírase o contido do erlenmeyer e lávase o matraz. Vólvese a encher a bureta con NaOH ata o cero. Mídense outros 20 cm³ de HCl coa pipeta, vértense no erlenmeyer (lavado pero non necesariamente seco) e engádense dúas pingas de fenolftaleína. Colócase o erlenmeyer baixo a bureta e ábrese a chave ata deixar caer case todo o volume medido antes (p. ex. 2,9 cm³). Agora déixase caer o HCl pinga a pinga mentres se fai rotar o erlenmeyer, ata que a fenolftaleína cambie de cor. Anótase este valor. Repítese outras dúas veces e tómase como volume correcto o valor medio das medidas que máis se aproximan.

<u>Material:</u> Bureta (1) de 25 cm³ (graduada en 0,1 cm³), pipeta (1) de 20 cm³ con aspirador, matraz erlenmeyer (1) de 100 cm³, disolución de fenolftaleína.

A bureta é un tubo estreito graduado cunha boca superior algo máis ancha para enchelo e unha chave de paso na parte inferior para poder baleirala.

A pipeta é tamén un tubo estreito que pode ser graduado ou ter unha marca de aforo. Énchese ao aspirar cunha especie de xiringa cando a boca inferior máis estreita está mergullada na disolución.

O matraz erlenmeyer é un recipiente con forma de tronco de cono, coa boca máis estreita que o fondo, para non salpicar ao removelo cun movemento circular.

- 8. a) Explica como construirías no laboratorio unha pila galvánica empregando un eléctrodo de aluminio e outro de cobre, indicando o material e os reactivos necesarios.
- b) Indica as semirreaccións que teñen lugar en cada eléctrodo, a reacción iónica global e calcule a forza electromotriz da pila.

$$E^{\circ}(Cu^{2+}/Cu) = +0.34 \text{ V}; E^{\circ}(Al^{3+}/Al) = -1.67 \text{ V}.$$
 (A.B.A.U. ord. 21)
Rta.: $E^{\circ} = 2.00 \text{ V}.$

Solución:


a) Nunha pila galvánica formada por un eléctrodo de aluminio e outro de cobre en condicións estándar, a reacción que terá lugar é a oxidación do aluminio e a redución do ión cobre(II).

Oxidación: 2 Al(s) \rightarrow 2 Al³⁺(ac) + 6 e⁻ E° = +1,66 V (Ánodo –) Redución: $3 \text{ Cu}^{2+}(\text{ac}) + 6 \text{ e}^{-} \rightarrow 3 \text{ Cu}(\text{s}) \qquad E^{\circ}$ = +0,34 V (Cátodo +) Reacción global: $3 \text{ Cu}^{2+}(\text{ac}) + 2 \text{ Al(s)} \rightarrow 3 \text{ Cu}(\text{s}) + 2 \text{ Al}^{3+}(\text{ac}) \qquad E^{\circ}$ = +2,00 V

O criterio para indicar se unha reacción é espontánea é que a variación de enerxía libre de Gibbs sexa negativa. A reacción é espontánea porque a relación entre a enerxía libre de Gibbs e o potencial de reacción é:

$$\Delta G = -z F E = - \cdot F \cdot (+2,00) < 0$$

b) Material: Dous vasos de precipitados de 100 cm³, un tubo de vidro en forma de U, un voltímetro de corrente continua, cables e pinzas metálicas. Reactivos: láminas de aluminio e cobre puídas, disolucións de cloruro de aluminio de concentración 1 mol/dm³ e cloruro de cobre(II) de concentración 1 mol/dm³. Disolución de cloruro de potasio para a ponte salina. A montaxe da pila no laboratorio consistiría en dous recipientes, por exemplo dous vasos de precipitados, conectados por unha ponte salina. Un recipiente contería unha solución de cloruro de aluminio e un eléctrodo de aluminio metálico, mentres que o outro contería unha solución de cloruro de cobre(II) e un eléctrodo de ouro metálico.



Os dous eléctrodos estarían conectados, mediante cables, a un voltímetro para medir a f.e.m. da pila. O sentido de circulación dos electróns será desde o polo negativo (ánodo Al) cara ao polo positivo (cátodo Cu) mentres que os ións fluirán pola ponte salina para manter a neutralidade eléctrica.

Cuestións e problemas das <u>Probas de avaliación de Bacharelato para o acceso á Universidade</u> (A.B.A.U. e P.A.U.) en Galiza.

Respostas e composición de Alfonso J. Barbadillo Marán.

Algúns cálculos fixéronse cunha folla de cálculo de LibreOffice do mesmo autor.

Algunhas ecuacións e as fórmulas orgánicas construíronse coa extensión CLC09 de Charles Lalanne-Cassou.

A tradución ao/desde o galego realizouse coa axuda de traducindote, e de o tradutor da CIXUG.

Procurouse seguir as recomendacións do Centro Español de Metrología (CEM).

Consultouse ao Copilot de Microsoft Edge e tivéronse en conta algunhas das súas respostas nas cuestións.

Actualizado: 17/07/24